

verleumdung/Schinderey/betriegerey/Wucher/ &c:
Welches aber alles Heydnisch gelebet ist. Dann sie ge-
ben do mit zu vernemen/das sie / wie unsere Väter/in
rechter Hergens blindheit vnd eytelkeit ihrer Sinnen
noch stecken/vnd sich noch von dem Gott der Heyden/
dem Teuffel / leiten vnd führen lassen / Denn wer in
Christo ist / denselben hat / der hat auch seinen Geist/
Wer aber Sünde thut / der ist vom Teuffel/
denn der Teuffel sündiget vom anfang / 1. Jo-
han: 3. 8. Wer in Christo aber ist / der machet seinen
Leib nicht zum Hause Dagon vnd der Sünden/denn er
weiß/das wo er solches thun/vnd seinen Gottes Tem-
pel verderben würde/das Gott ihn wieder verderben
würde / 1. Cor: 6. 15. **Summa**/wer Huree / Säu-
fet/Trisset/Lästerey/Beisset/Zürnet/Hochfahrt treiber/
spottet/hönet/betrieget/Schinderey treiber/ &c: Vnd
zwar wissentlich/vnnd *Continuirlich*/der hat zwar den
Namen eines Christen/aber in der Wahrheit ist er noch
ein Heyde/man mag auch hinwenden/legen/drehen
vnd *excusiren* wie man wil.

Do Israel Heydnische Weiber hatte genom-
men/vnnd sich also an dem H E R R E N versündigt/
sündt *Esra* der Priester auff vnnd sagte: Ihr habt
euch vergriffen/das ihr frembde Weiber ge-
nommen habt/das ihr der schuld Israel noch
mehr machet. So bekennet nuh dem H E R R E N
euer Väter Gott/vnd thut seinen wol-
gefallen/vnd scheidet euch von den Völkern
des Landes/vnd von den frembden Weibern.
Da antwortet die ganze Gemeine / vnnd sprach mit
lauter Stimme: Es geschehe / wie du vns ge-
saget

1. Joh. 3. 8.

1. Cor. 6. 15.

*Cujus effectus
malus est, id
eoto genere
bonum esse
nequit.*